

صاحبي ، مديري ، محوري :



آبونه بدلي :

سنه لکي ۱۰۰ غروش
آلتي آيايي ۵۰ »
اوي آيايي ۲۵ »

مخبر

۱۳۳۸

اداره خانه سي :
شهرزاده باشنده (تعالی اسلام)
جمعیتی مرکز عمومی
مرکز توزیعی :
باب عالی جاده سنده اتحاد
تجارت کتبخانه سی
اسلامک نفعنه خادم مقالات
مع القشکر قبول و درج اولونور

يازاڭك شخصيتي دكل ، يازينك اهميتي
نظر دفته آلتير

دینی ، علمی ، ادبی ، اجتماعی و شیعیه شهر
مجموعه اسلامیه در

كلن يازيردن شايان قبول كورولنل تاريخ
ميراسيله درج اولونور .

عدد : ۵

۱۳۳۹ ربيع الاوله مخصوص نسخه

في ۷ بوجوق غموش

مدير جات :

قرآن كريمك ايلك نازل اولان آيتلري (طاهر المولوي) - برآيت مناسبتيله (فريد) - يوم وانواعي : (احمد ضيا) -
علم هيتك مبدأي (سعدی) - ربيع الاول ومولد شريف (طاهر المولوي) - مولد نبوي احتفالتك مستند شرعيسي (محمد كامل) -
اسكيدن متقبه مولد قرائتي ناصل اجرا ايديليردي (عطا تاريخي- طيار زاده عطا بك) - مدحت رببي بك مرحوم: (طاهر المولوي) -
غني كشميري وبعض ايساني (طاهر المولوي) - بحبي افندي دركاهي شيخك تاريخ ارتحال (سعود المولوي) .

ربع دائره نك صورت استعمالی

احمد ضيا بك افندي طرفدن تحرير ايديلوب طبع ايديلكده اولديني محفلك ۳ نجی نسخه سنده تيشير اولونان
ربع دائره رساله سي بودفعه برطرز نوین وكزينده اكمل ايديلهرك حكاكر چارشيسنده خواجه مصطفى اقدینك
دكاننده (۴۵) غروش بدل ايله صالقمده در .

مؤلف موماليهك (ربع دائره نك اساسي وطريق ترسيحي) عنوانلي رساله سنك ده قريبا انتشار ايدده جكي مع المسار استبشار ايدلشدر .

دینی درسار — مؤلفی آقسه کيلي احمد حدى

اسلام يولى — اسكيلي محمد عاطف

اسلام چيغيري — » » »

بواثرلرده ميدان انتشاره قونولش وعموم كتابچيلرده صالقمده يولو نمشدر . كرك ضيا بك افدينك ، كرك حدى
وعاطف افنديلرك قدرت فاضلانلري مجموعه ده كي يازيلريله مبرهن اولديغدن اثرلري حقنده فضله سوزه لزوم
كور ميورز هر يرخي مؤلفات جديه مراقيليرينه توصيه ايدرز .

آبونه لريزدن رجا — محفلك نسخه لري صورت منتظمده كوندريلكده ايسده آبونه لريزدن بعضيلرينه واصل
اولامادقلري اكلاشيلور . بناء عليه مجموعه سي كلمه ين ، برده تبديل اقامت ومأموريت ايله ين آبونه لريزك اداره مزه
معلومات ويرمه لري رجا اولونور .

مولد اجتماعك استناد ايتديكى اصول سابقه في سيوطي
مرحوم ذكر ايتدك صكره شوني ده علاوه ايديوركه :
كرچه بواجتماعلر قرون ثلاثه جاري دكل ايدي . لكن
آنك محدثي ملوك اسلاميه دن عادل ، عالم بر ذات اولمسي
وآنكه جناب حقه تقرب قصد ايتمسي ، صكره بوجمالس
ومجامعه عصرينك علما وفقهاسي بلا انكار بولمسي ،
خصوصيله ابن دحيه كي بيوك بز حافظ ومحدثك رضا
كوسترمسي ، حتى بوبابده بر كتابده يازمسي بونك
بين المسلمين بر فعل مستحسن اولديغنه دلالت ايدر .

محمد كامل

تاريخي بر مقام

اسكيدن منقبه مولد قراشي ناصيل اجرا ايديليوردى ؟

سليم تانينك مولد شريف قراشي رسمنه كماليله
رعايتكار اولديغي ، حتى مولد وسائر قنديل كيجهلرنده
جوامع شريفه مناره لرنده ، قنديل ياقيلماسي مشاراليهك
اراده سيلاه باشلا ديني ، احمد اول دورنده بو رسم بهينه
بر طاقم علاوه لر ياييلوب محمود تانينك امريلاه مولد
قنديلنده مناره لردن باشقه اولرك قابلسنده ده تنويرات
اجراسنه باشلا نيلديغي (عطا) تاريخنده محرردر .

ينه او تاريخنده يازيلديغي وجهلاه (مولد آلاي)
ربيع الاولك اون ايكنجي كوني اجرا ايدياير ومنقبه مولد
سعادت ، سلطان احمد جامع شريفنده او قونوردى .

بو رسم كزين ، بوكون ترك ولسيان ايديلس بر
طاقم تشريفات ايله ايضا اولونوردى .

او تشريفاتك صورت اجراسني عطا تاريخندن بروجيه
آتي عينا نقل ايدييورز .

(سلطان احمد جامع شريفنده صدرين محترمين وموالي
ومدرسرين علي مراتبهم صاغ طرفدن منبر شريف نهايته

سيوطي ينه « حسن المقصد » نده دييوركه : حضرت
بيغمبرك بعد النبوة عقيقه لرني احاده بيورملري ده بو بحثده
تم خاطر لاديعم اصل شرعيدر . شويلاه كه : بيهقينك انس
بن مالك دن تخر بجنه كوره جدالتي عبدالمطلب حضرتلري
محترم حفيدينك ولادتنيك يدينجي كوني عقيقه اوله رق قربان
كسمشلردى . عقيقه اعاده سي جاري دكل ايكن رسالتما ب
افدمز ايكنجي ذفعه اوله رق عقيقه لرني كسديلر . بواعاده
جناب حقه حبيب اديني رحمة للعالمين اوله رق بعث
وارسالنه قارشو اظهار شكر دن بشقه نيه حمل اولنه بيلور ؟
بناء عليه نبى اشفع واشفق افدمزك شرف قدومنه قارشو
اطعام طعام ، اظهار مسرات كي وجوه قربات ايله اظهار
شكر ايتك امت اوزرينه مستجيدر .

امام القراء شمس الدين جزوى (عرف التعريف
بالمولد الشريف) نامنده كي اثر مرغوبنده دييوركه : ابو
لهب ، موتندن صكره رؤياده كوريلوب حالندن صورلديغنده
جواباً « حالم نه اوله جق طيبي جهنمده يم . يالكز هر هفته
بازار ايرته سي كيجهلري شو ايكي پارمغمك اوچندن
من طرف الله مقدر اولان شئي اميورم ، بو صورتلاه
بر آز خفيفليورم . بوده ولادت محمديه بي جاريه يم
« ثوبه » بكا تبشير ايتديكنده آنى آزاد ايتكمكم
ثوبه نكده اول حضرتي ارضاع ايتمسي بركتيدر «
ديمشدى « ذمى حقنده بر سورة مستقلة نازل اولان
ابو لهبك عذابى مولد محمدى به فرحلىمنسندن طولاي
خفيفلر سه بر مؤمن موحداك سرور وشادمانى اظهارى ،
وسيله رحمت اولسنده شبهه ايديلورمى ؟

شمس الدين دمشق « موردالصادى فى مولد الهادى »
نامنده كي مولد شريف رساله سنده بوبابده شوييتلري انشاد
ايتمشدر :

اذا كان هذا كافرا جاء ذمه وتبت يداه فى الجحيم مخلدا
اتى انه فى يوم الاثنين دائما يخفف عنه للسرور باحمدا
فما الظن بالبعد الذى كان عمره باحمد مسرور اومات موحدا

شیخ الاسلام افندی تشریف بیوردقندن صکره صدر اعظم حضرتلری قلائی و بر مقتضای موسم ارکان کورک یافراجہ و دیوان بساطلو اسبلر ایله و تذکره جی و مکتوبی افندیلر مجوزه وارکان کورک یافراجہ و کمر رختلو اسبلر ایله و چاوشان دیوان هایون و اغانیان مجوزه و فراجہ لرایله سرای آصفیدن آلائی ایله جامع شریفه کلدکرنده حاضر بالجلس اولنلرک جمله سی صدر اعظمه قیام وصفه صرہ سنده اولان علمای عظامک اورته سندن مرور و طرفینه سلام و یرہ رک محرابک اوکنه وضع اولنان سجاده لرینه قعود بیوررلر . رئیس الکتاب افندی و چاوش باشی آغا صدر اعظم حضرتلرینک مقابلہ لرنده محل هایون طرفه مقدمه وضع اولنان سجاده لره او طوررلر .

تذکره جی و مکتوبی افندیلر کرسی طرفنده محل هایون آلتنده او طوررلر . بو ائنادہ تشریفاتی افندی و خلیفه و کیسه دار تشریفات مجوزه و موسمه کوره کورک یافراجہ لرایله بخوردانلر کتوروب برینی پیشکاه آصفی به و برینی شیخ الاسلام حضرتلرینک اوکلرینه و برینی وزرادن موجود بولنان ذواتک اوکنه قیوب ختامنده مذکور بخوردانلری ینہ بونلر قالدیرلر .

نقیب افندیلرک سینادتی شجره ایله مثبت اولمق جهتله قرائت اولنه حق منقبه جلیله جد عالی بزرگوارلرینک ولادت باهر السعادت علیه لرینی مبشر و بوايسه بویله برکونده نقیب الاشرف بولنانلره فوق العاده حرمت بیورلمق لزومنی مشعر و بو حالده نقیب اشرافک بورسم مجلس ملائک انیسده جمله تقیدینی متضمن اولوب حالبوکه بوکا اتخاذ اولنان رسوم تشریفات سلطنت سنیه مساعد اولدیغندن و بوجهتله یوم مذکورده نقیب افندیلرک وکلای دولت و مشیخت ذیلنده اقصاد اولملری ناروا اولدیغندن بونلر حقنده شهریاران آل عثمانک ابرازینه همت بیورمقده اولدقلری حرمت مخصوصیه دال اولمق اوزره نقیب افندیلرک یوم مذکورده جامع شریفه ورودلرنده بر محفل مفروش و مستورده معزاً تنهاجه آرام ایتماری لزومنی مولد شریف

وصفه کنسارینه محل هایونه طوغری قعود ایدرلر . و وزرای عظام محرابک صول طرفه وضع اولنان سجاده لره او طوررلر . و آلت طرفه یکیکچری آغاسی و دفتر دار افندی و توقیعی و دفتر امینی و کتبخدا بک و رئیس افندی . و شقین افندیلرک آلت طرفه میز علم و قیوجی باشی آغالر و سپاه و سلحدار و بلوکات اربعه آغالری ، جبه جی و طویجی و عربہ جی باشی و سپاه و سلحدار کاتبی و کتبخداری و بوندن صوکر احرمین مفتش و محاسبه جیسی و خلفا و کیسه دارلری او طوررلر .

یکیکچری آغاسی سلاملقدن کلدکده صدر اعظم حضرتلرینه تمنا ایدوب قعود ایدر و اردوی هایون طشرده ایکن یکیکچری آغاسی محله سکبان باشی آغا قعود ایدر . و زغرجی و سکصونجی باشی و طورناجی و محضر آغا و بوستانجیلر او طه باشیسی و یکیکچری یازمچیلری منبر قپوسی اوکندن کرسی به طوغری و یکیکچری نفراتی جامع شریفک درت اورطه دیرکارندن دیرکدن دیرکه قیاما دیزیلورلر . اردوی هایون طشرده ایکن محضر آغا و باش چاوش منبر قپوسی یاننده قیاما طوررلر . و بوستانجیلر او طه باشیسی و یکیکچری یازمچیلری منبر قپوسی اوکندن کرسی به طوغری دیزیلورلر .

قیوجی باشیلر باشلرینه سلیمی و موسمه کوره ارکان کورک یافراجہ کیر و دیوان بساطلو اسبلر ایله باب هایونه بالورود ذات حضرت پادشاهی بی سرای هایوندن آلوب آلائی ایله جامع شریفه کتوره رک بر معتاد یکیکچری آغاسی و قیوجی باشی آغالر سلاملقدن صکره یرلرینه کلوب او طوررلر .

بلوکات اربعه آغالری بعض اوانده مأموریتله طشرده بولندقلری حسبیه طی اولتمش و جامع شریفه قعود ایدہ جک رجال محلی ضیق اولوب باخصوص قیوجی باشیلره محل قالدیغنه بناء یوز سکسان ایکیده واقع سفر هایون عودتدنبری بورسمدن سپاه و سلحدار کتبخدا و کاتبلی عفو اولمشدر .

التباس. دکل ایسه اوجاغنه مخصوص براطه و بنش اکتسا ایلر. بو ائشاده هر بر شیخ افندی کرسی به چیقده وزیرای عظام و علمای کرام و سائر حضار ذوی الاحترام حضراتنه تبرداران زلفیان اوج دفعه شربت و بخور ویرر. شیخ افندیلر کرسیدن ایندکجه طرف صدارتدن تهیه اولنان عطیه چیقینلری تشریفاتی افندی یدیلر قیونلرینه وضع اولنور.

بعده مولد خوان اول بر از قرائت و نزول ایلدکده ینه دارالسعادة الشریفه آغاسی کاتبی یدیلر خلعت الباس اولندقدن صکره مولد خوان ثانی چقوب قرائت ایدرک (کلدی بر آق قوش قنادیلر روان. آرقه می صفادی قوتله هان) بیتی او قوندقده حضار بالجه قیام ایتدکری ائشاده محفل هایون طرفنده پرده وراستنده توقیف ایدلمش اولان مژده جی باشی. امیر مکه مکرمه شریف حضرت تلیزینک نامه سنی در حال تشریفاتی افندی دلاتیلر صدر اعظم حضرت تلیزینک حضورینه کتور و برسم دامن بوسی اجراسیله تسلیم ایدر. صدر اعظم طرفندن اولنان اشارت موجبینجه رئیس الکتاب افندی مژده جی باشی بی بالاستصحاب حضور هایونه داخل اولدقده دارالسعادة آغاسی پرده نک یاننده استقبال و نامه بی اخذ و ابجال ایلر سلحدار آغا رفاقتیلر بندینی کشاد و کیسه سندن اخراج ایدرک رئیس الکتاب افندی به اعطا ایدر و رئیس افندی نامه بی حضور شاهانه ده قرائت ایلر. دارالسعادة آغاری حرمین محترمین خدمتی مأموریتی حائر اولدقترینه مبنی ابتدا آغای مشارالیه سراسره دوخته سمور کورک الباس وبعده رئیس الکتاب افندی به و مژده جی باشی به خفتان اکسا اولنه رق محفلرینه اعاده اولنورلر. رئیس الکتاب افندی خارجده قالمش اولان چاوشباشی آغا ایلر برابرکلوب یرلرینه اوطوررلر.

بو ائشاده ذات حضرت ملوکانه مدینه منوره دن کلان خرمادن باش پیشکیر آغاسی یدیلر صدر اعظم حضرت تلیزینه سیم طبق ایلر خرما اهدا بیورملرله تشریفاتی پیشرو لکپله

رسمی بوضورت تعظیمیه ایلر اجرایی قاعده اتخاذ بیورمش اولان (سلطان احمد خان اول) حضرت تلیزینک قیاب افندیلر حقنده دخی بواصولی وضع واحداث بیورمش اولدقندن جامع شریف مذکورک صاغ جناحنده کی زاویه چادر پرده لرله تستیر و مزین دوشمه ایلر تفریش اولنه رق نقیب الاشراف حضرت تلیزینک منقبه جلیله نک ختامنه قدر اول محله منفرداً آرام ایتملی قانونه ربط اولمش. و بوقانون رعایت نمودن الحاله هذه اولوجهله حسن اجرایه مرهوندر. ائشای قرائت منظومه مفیده سامعینه توزیع اولنان شکر و شربتدن نقیب افندیلر حصه سی مستقل طبله ایلر اعطا و بخور و کلاب اکرامی دخی ایفا اولنقده بولنمشدر. ختام مجلس عالیده کندی خدم و حشم لرله یالکیزجه خانه لرینه عودت ایدرلر.

محفل هایونه وصول شاهانه دن مقدم مؤذنلر محفلنده تلاوت اولنان سوره فتح شریف تمامنده بالین والاقبال مواصلات ملوکانه وقوعیه قرارگاه شاهانه اولان محفل طالی به وصول هایونی اعلاناً دریمجه قفس کشاد اولندقده عموماً حضار قیام و طور دقلری یرده تواضع تام ایدرک قد خیمه تعظیم و اکرام اولدقلری حینده صدر اعظم سجاده دن آشغیده اجرای رسم زمین بوس ایتدکدن صکره قفس چورلدکده هر کس یرلرینه اوطوررلر.

تشریفاتی افندی محفل هایون آلتنده مقابله حضرت آصفیده قیاماً فرمانه منتظر اولور. مؤذنلر محفلنده قرائت تمام اولدقده ابتدا آیاضوفیه شیخی ثانیاً سلطان احمد شیخی افندی کرسی به عروج و وعظ ایدرک اینزلر. بو ائشاده یازمچی افندی تغییر اولنان دارالسعادة الشریفه آغاسی کاتبی افندی یدیلر هر بر لرینه فراجه سمور کورک الباس و صرله احسان اولنور.

تبردارانک اوقور و یازارلرندن منصوب دارالسعادة آغاسی کاتبی افندی اگر خواجکاندن ایسه مجوزه. و بر مقتضای موسم ارکان سمور کورک یا خود فراجه

صدراعظم و شیخ الاسلام و سائر لری اسب سوار اوله رق
رسم دامن بوس اجرا و آلقش اولندقدن صکره تشریف
هابون و قوعبولور. بعده صدراعظم و شیخ الاسلام و سائر
مراسم تودیی ادا و قپو رجا لیلله باب آصفی به عودت
ایدولر. بوندن صکره هرکس بر برین سلاملا یوب خانه لرینه
عزیمت ایدولر. بو کونده ذات شاهانه بی جامع شریفه
عزیمت و عودت لرنده یکچیری آغاسی ایندیروب پیندیرر.
عطا تاریخی - طیار زاده عطا بک

مدحت ربیعی بک مرحوم :

[شو مقاله ، بوندن ایکی سنه اول یازیش و اوقت معاونین
نحریره سندن بولوندیغ سیل الرشاد ، کونده ریش ایسه ده مجموعه
یالکز زیرنده کی تاریخ درج ایدیلشدی . مدحت مرحومک
بر دفعه ده یادینه مدار اولقی اوزره بو دفعه محفله کچیردم .]

تجارت مکتبیه صنایع نفیسه دن مأذون و خارجه
نظارتی اوراق قلمی خلفا لغندن متقاعد مدحت ربیعی بک
۳۳۷ محرمک ۱۷ و ۳۳۴ تشرین اولنک ۲۳ نجی چهارشنبه
کیجه سی صباحه قارشی ارتحال ایتدی ، جنازه سی
قاکلیجه ده کی خانه سندن قالدیریلوب جوار حضرت
خالده تراب غفرانه تودیع قیلیندی . رحمة الله علیه

مرحوم ؛ لیان دأثره سی محاسبه ممیزی رفیت اقدینک
مخدومی اولوب ۱۲۹۵ سنه هجریه سنده دوغمش ، ۹
حزیران سنه ۱۳۱۴ ده خارجه مکتوبی قلمنه دوامه
باشلامش ، ۳۲۹ رمضانده بالامتحن ۱۲۰۰ غروش
معاشله برنجی صنف کتابته ترفیع ، ۱ مارت سنه ۳۳۲
تاریخده کی تشکیلات صیراسنده اوراق عمومیه دوسیه
مقیدلکنه تعیین و معلولیتنه بناء ۱ مارت سنه ۳۳۳ ده
۴۰۰ غروش معاشله تقاعد ایدیلشدی .

رسمی ترجمه حالندن ده آکلاشیلاجنی اوزره محاسن
فطریه و کمال عرفانی بک تقدیر ایدیلشمش اولان مدحت
ربیعی ایله بوندن اون بش سنه اول (رهنای فیوضات)

خرمای پشکاه آصفی به وضع و تمنا و عودت ایتدکدن
صکره صدراعظم بر ایکی دانه سنی تناول و بر ایکی دانه سنی
شیخ الاسلام اقدی حضرت لرینه و یروب قصورینی توزیع
ایچون تشریفاتی اقدی به اشارت و فرمان بیوره رق
حسب الامر تشریفاتی اقدی ابتدا و زرای عظام بعده
صدرین محترمین و یکچیری آغاسی و موالی و مدرسین
اقدیلر نهایتنه و دفتر دار و کتخدا بک و رئیس الکتاب
و توقی و دفتر امینی و شقین اقدیلر و چاوشباشی آغایه
برر دانه خرما اعطا ایدر و بوش طباعی قره قولا ق بوستانی
آغا ایله محفل هایونده اولان پیشکیر آغاسنه اعاده ایلر .
طرف جهانداریدن خرما کتورن پیشکیر آغاسنه
جانب صدارتدن قره قولا ق صدرعالی یدیلر یوز آلتون
ارسال اولنور. صدراعظم سفرده بولنورایسه نامه مذکور
قائم مقام باشایه و یریلهرک رسم مذکور آنلرک اشارت لرینه
اجرا ایدیلور . بو خلایده مولد خوان نزول ایلدکده
خلعت و عطیه سی و یریلهرک مولد خوان ثالث چیقدینی کی
سلطان احمد جامع شریفی متولسی صدراعظم حضرت لرینه
و آیاصوفیه متولسی شیخ الاسلام اقدی حضرت لرینه
و اوقاف سائر متولیری فراجیه و دستار پریشان لرینه
وزرای عظام و علما و خواجکان اقدیلر ایله صره سیله
اغواتک شکر طبله لرینی پیشکاه لرینه وضع ایدولر. بونلری
زغرجی باشی سکصونجی باشی طور ناجی محضر آغا و سائر
امرای اوجاق قالدیرلر . بو اثیاده مولد خوان ثالث
نزول و خلعت و صره سنی اخذ ایله موقع سروره مثول
اوله رق دعا تمام اولدقده عودت ایدولر. فقط صدراعظم
و شیخ الاسلام و وزرا و صدرین و دفتر دار و رئیس الکتاب
و توقی و دفتر امینی و شقین اقدیلر ایله چاوشباشی و جبهجی
و طوپچی و عربجهجی باشی آغالر علی الترتیب جامع شریفک
طیشاروسنده نردبان دیننده مصلقلر اوکنده اسب سوار
اوله رق سلام پادشاهی به منتظر اولورلر .

ذات حضرت پادشاهی را کباً محفل هایوندن ظهور
و سلام شاهانه لرینه بندکائی تلطیف و مسرور بیوردقلرنده